



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 22-04-44-1-34/19
Sarajevo, 04.02.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 01.02.2019. do 07:00 sati 04.02.2019. godine

Zbog obilnih padavina i naglog topljenja snijega u toku jutarnjih sati dana, 03.02.2019. godine, došlo je do porasta vodostaja rijeka Bosne, Miljacke, Željeznice, Zujevine, Dobrinje, Tilave, Ljubine, te njihovih manjih pritoka (potoka), kao i pojava bujičnih, oborinskih i podzemnih voda uslijed čega je na području Kantona Sarajevo povećana opasnost od poplava, posebno u općinama Hadžići, Ilidža, Novi Grad i Vogošća.

Kantonalni operativni centar civilne zaštite je odmah po pojavi tendencije rasta vodostaja, a po nalogu direktora Kantonalne uprave civilne zaštite Kantona Sarajevo, obavijestio sve pomoćnike općinskih službi civilne zaštite s područja Kantona Sarajevo, da prate situaciju na teritoriji svoje općine i da stave u punu pripravnost svoje organizovane snage civilne zaštite, kao i ostale subjekte od značaja za zaštitu i spašavanje, da pripreme neophodna materijalno-tehnička sredstva i opremu, te da preduzmu neophodne mjere zaštite i spašavanja od poplava i da redovno dostavljaju sve informacije sa terena Kantonalnom operativnom centru civilne zaštite.

Direktor Kantonalne uprave civilne zaštite Kantona Sarajevo i njegov pomoćnik za mjere zaštite i spašavanja su odmah izašli na područja općina: Ilidža, Novi Grad, Hadžići i Vogošća koja su bila



najugroženija od poplava i tokom čitavog dana koordinirali s aktivnostima na poduzimanju neophodnih mjera zaštite i spašavanja ljudi i materijalnih dobara od poplava.

Najkritičnija situacija je bila u Općini Hadžići, u naselju Pazarić i selu Korča. U jutarnjim satima u naselju Pazarić se izlila rijeka Zujevine iz svog korita i poplavila oko 30 stambenih, pomoćnih i poslovnih objekata, te oko 10 hektara poljoprivrednog zemljišta, dok se u selu Korča izlio lokalni potok koji je presjekao putnu komunikaciju prema nekim dijelovima tog sela i ošteti nekoliko pomoćnih objekata. Na navedena područja su odmah izašle ekipe Kantonalne uprave civilne zaštite, Općinske službe civilne zaštite Hadžići i pripadnici njihovih službi zaštite i spašavanja, koji su na sprečavanju i otklanjanju posljedica od poplava angažovali neophodnu mehanizaciju (bagere, specijalno vozilo za probijanje i čišćenje kanalizacije – VOMU, pumpe za ispumpavanje vode), te izvršili postavljanje vreća sa pijeskom.

U Općini Vogošća došlo je do izlivanja lokalnog potoka u ul. Dumače br. 8. Ekipe Općinske službe civilne zaštite su odmah izašle na teren i izvršili produbljenje i raščišćavanje korita tog potoka i tako otklonili opasnost od poplava na tom području.

U pojedinim dijelovima grada, zbog loše infrastrukture, došlo je do akumulacije vode, posebno na saobraćajnici ispod podvožnjaka u Buća Potoku. Na ispumpavanju vode ispod podvožnjaka angažovana je ekipa KJKP Vodovod i kanalizacija.

Na području općine Ilidža izlile su se rijeke Željeznica i Zujevina. Poplavljen je podvožnjak Pejton-Otes, kao i podvožnjak prema Osjeku koji je zatvoren za saobraćaj. U MZ Osjek, u ulici Hendekuša, problem su prouzrokovale podzemne i oborinske vode. U ulici Kulenvakufska je došlo do odrona zemlje

U kasnim poslijepodnevima, prilikom obilaska područja koja su ugrožena od poplava, direktor Kantonalne uprave civilne zaštite Kantona Sarajevo je uočio da je vodena bujica srušila pješački most na rijeci Željeznici koji povezuje naselja Lužani i Pejton na Ilidži i obavijestio ostale nadležne službe da izađu na lice mjesta kako bi se poduzele neophodne mjere zaštite i spašavanja. Most je bio u poodmakloj fazi izgradnje a prilikom njegovog rušenja niko nije povrijeđen.

Uslijed jakog vjetera u jutarnjim satima, dana, 03.02.2018. godine došlo je obaranja stabala na nekoliko lokacija na području općina: Ilidža (Otes, Lužani, Srednja grafička škola), Novi Grad (ul. Šefika Dorića br.30.) i Stari Grad (Trebević – ispod restorana „Pino“). Na uklanjanju oborenih stabala Kantonalna uprava civilne zaštite Kantona Sarajevo je angažovala pripadnike svoje Profesionalne vatrogasne jedinice, kao i pripadnike svoje Službe za sječu i uklanjanje oštećenih stabala sa zelenih površina i saobraćajnica, koja je formirana u KJKP Park. Na području Općine Ilidža vjetar je u ulici Magistrala 14 skinuo lim sa zgrade, dok je u ulici Kasindolska br. 4 digao kompletan krov sa kuće.

U izvještajnom periodu Kantonalni operativni centar civilne zaštite primio je **jednu informaciju o pronalasku NUS-a**, dana 01.02.2019. godine u 12:05 sati, od Policijske stanice Ilidža, da je građanin u koritu rijeke Dobrinje, u blizini ul. Travnička, pronašao granatu.

O primljenoj informaciji obaviješteni su pripadnici Tima za UES Federalne uprave civilne zaštite, koji su preuzeli i zbrinuli pronađeno eksplozivno sredstvo.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su ukupno 35 intervencija i to:



26 manjih požarnih intervencija (20 dimnjaka, podrum, automobil, smeće, dio krova vikendice), 1 veću požarnu intervenciju, 6 tehničkih intervencija i 2 intervencije obezbjeđenja (pretakanje goriva na Aerodromu).

Veća intervencija je bila jučer, 03.02.2019. godine u 07.20 sati, u ulici 105. Motorizovane brigade br. 33, gdje je požar izbio na vikendici. U gašenju je učestvovalo 8 vatrogasaca sa dva vatrogasna vozila. Požar je lokalizovan u 08:10 sati, a likvidiran u 08:20 sati.

Napomena: U protekla 24 sata pripadnici Profesionalne vatrogasne jedinice imali su 10 intervencija, od čega 1 veću (gašenje vikendice) i 6 manjih požarnih intervencija (4 dimnjaka, 1 smeće, el. kablovi) i 3 tehničke intervencije (uklanjanje stabla i ispumpavanje vode).

Vatrogasno društvo Tarčin je jučer imalo 19 intervencija na lokacijama ugroženim izlivanje vode iz vodotoka. Angažovana su 53 vatrogasca na ispumpavanju vode, postavljanju vreća i utvrđivanju zaštitnih nasipa, čišćenju korita i pomaganju lokalnom stanovništvu.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila +2°C, vlažnost zraka 92%, barometarski pritisak 946 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1